

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 21. Januar 2022

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här Energieminister weiderzeleeden.

An der Äntwert op meng parlamentaresch Fro Nummer 4789 schreift den Här Energieminister, datt eis Stroomimporter 2020 zu 69,9 Prozent aus Däitschland an zu 22,5 Prozent aus Frankräich koumen. Den Här Minister weist an deem Zesummenhang och op d'Differenz tëschent dem Importland an dem urspréngleche Produktiounsstanduert hin.

Frankräich kënnst wéinst der staarker nuklearer Komponent a senger Stroomproduktioun op en duerchschnëttleche Wäert vun 45 Gramm CO<sub>2</sub>/KW, während dës Zuel fir Däitschland bei 199 Gramm CO<sub>2</sub>/KW läit. An där am Abschnitt virdrun zitierter parlamentaresch Fro huet den Här Energieminister an deem Sënn ausgefouert, datt d'Käschte vun den CO<sub>2</sub>-Zertifikater eng vun den Ursaache waren, firwat de Stoumpräis fir d'Lëtzebuenger Stéit 2020 duerchschnëttlech em 10 Prozent geklommen ass.

An deem Zesummenhang géif ech dem Här Energieminister gär dës Froe stellen:

- 1) Kann den Här Minister eng Tabell presentéieren, déi regroupéiert, aus wéi enge Länner Lëtzebuerg säi Stroom während de Joren 2019 an 2020 importéiert huet awer och, wou an aus wéi enger Energiequell dësen ursprénglech gewonne gouf?
- 2) Kann den Här Minister elaboréieren, no wéi enge Modalitéiten den CO<sub>2</sub>-Ausstouss/KW bei der Stroomproduktioun ermëttelt an de Präis vun den CO<sub>2</sub>-Zertifikater berechent gëtt? Kann den Här Minister an deem Sënn matdeelen, wéi eng Moosnamen hien ergraff huet, fir d'Käschte vun den CO<sub>2</sub>-Zertifikater méiglechst niddreg ze halen, fir datt de Faktor Energie d'Stoumpräisser fir d'Lëtzebuenger Clienten net onnéideg an d'Luucht dreift?
- 3) Kann den Här Minister eng Tabell presentéieren, déi d'Zuele vum CO<sub>2</sub>-Ausstouss/KW fir eis national Stroomproduktioun, souwéi fir eis eenzel Importländer regroupéiert?

Mat déiwem Respekt,



Fred Keup  
Deputéierten